

---

Saksnr: 2021/1142-1  
Saksbehandlar: Gisle Johanson

---

## Saksgang

Utval	Utv.saksnr.	Møtedato
Hovudutval for næring		17.02.2021

## Oppdragsbrev Innovasjon Norge Vestland 2021

Forslag til vedtak:

1. Hovudutval for næring vedtek oppdragsbrevet til Innovasjon Norge for 2021, med dei rammene og prioriteringane som ligg føre i brevet i vedlegg 1.
2. Vestland fylkeskommune innvilgar kr 75 766 000 til Innovasjon Norge Vestland for 2021.
3. Innanfor denne øymerka ramma rår utval for næring, naturressursar og innovasjon til følgande fordeling knytt til KMD sin budsjettpost kap. 553, post 61:
  - Bedriftsnettverk kr 4 000 000
  - Mentortenesta kr 1 500 000
  - Etablerartilskot marknadsavklaring kr 5 000 000
  - Bedriftsretta låne- og tilskotsordningar i distrikta kr 65 266 000

Det kan gjerast mindre justeringar i fordelinga mellom postane. Dette skal avklarast i administrative styringsdialogmøter.

4. Beløp knytt til administrasjons- og gjennomføringskostnader er ikkje fastsett i dette oppdragsbrevet. Fylkeskommunen skal ha kvartalsvise rapportar om faktiske kostnader knytt til administrasjon- og gjennomføringskostnader.

5. Vestland fylkeskommune forventar at Innovasjon Norge Vestland skal bruke sin mangeårige erfaring og kompetanse til å vere ein samarbeidspartner, og delta aktivt på dei arenaene som bidreg til å utløyse moglegheiter og møte utfordringane i regionen. Blant anna i den regionale partnerskapen mellom Vestland fylkeskommune, Siva og Forskningsrådet. Ei sentral oppgåve for Innovasjon Norge Vestland, Vestland fylkeskommune og resten av den regionale partnerskapen vil i 2021 bli utforminga av eit handlingsprogram for Berekraftig verdiskaping - regional plan for innovasjon og næring.

Samandrag

Samandrag

Fylkeskommunane har oppdragsgjevaransvar for Innovasjon Norge og Siva sine bedriftsretta ordningar. I denne saka legg fylkesdirektør for næring fram framlegg til oppdragsbrev for Innovasjon Norge Vestland for 2021.

fylkesdirektør

seksjonssjef

*Saksframlegget er godkjent elektronisk og har difor inga handskriven underskrift*

## Saksutgreiing

### Bakgrunn for saka

Etter regionreforma har fylkeskommunane oppdragsgjevaransvar for Innovasjon Norge og SIVA sine bedriftsretta ordningar,

- Bedriftsnettverk
- Mentortenesta for gründerar,
- Landsdekkjande etablerartilskot,
- Næringshageprogrammet og Inkubatorprogrammet

Det er overført samla kr 104.989.000,- frå Statsbudsjettet kap. 553, 61 for 2021. Dette beløpet skal fordelast til Siva og Innovasjon Norge. I overføringsbrevet frå departementet, som ligg føre som referatsak i møte 17.02.2021, er dei ei føring at midla ikkje kan omdisponerast til andre formål en desse.

Fylkeskommunane skal nytte ein felles mal for oppdragsbrev som ligg som vedlegg til overføringsbrevet fylka får frå departementet.

### Vurderingar og marknader

Oppdragsbrevet frå Kommunal- og Moderniseringsdepartementet for 2021 opnar for at kvar fylkeskommune har høve til å nytte inntil kr 100 000,- over posten til å dekkje kostnader fylkeskommunen har ved å utforme oppdrag og gjennomføre styringsdialog med Innovasjon Norge og Siva. Det er rådd til at fylkesrådmannen får fullmakt til å disponere denne summen.

Det vert rådd til å setje av til saman kr 75 766 000,- som vert overført til Innovasjon Norge Vestland for 2021. Størsteparten av denne summen, kr. 65 266 000,-, vil gå til direkte til bedriftsretta låne- og tilskotsordningar i distrikt.

Innovasjon Norge Vestland si erfaring er at behova for dei ulike ordningane varierer frå år til år, og at det difor er ynskjeleg med fleksibilitet i bruk av midlane. Fylkesdirektøren rår til at det kan gjerast mindre justeringar mellom postane, og at dette vil vere tema for den administrative styringsdialogen som skal vere mellom partane. Signala frå Innovasjon Norge Vestland er at ein per no har eit forventa forbruk på:

- |                                      |                |
|--------------------------------------|----------------|
| • Bedriftsnettverk                   | kr 4 000 000,- |
| • Mentortenesta                      | kr 1 500 000,- |
| • Etablerartilskot marknadsavklaring | kr 5 000 000,- |

Den samla løyvinga inkluderer administrasjons- og gjennomføringskostnader for den forvaltinga Innovasjon Noreg gjer av ordningane. Kvar fylkeskommune har ansvaret for å dekkje alle administrasjons- og gjennomføringskostnadene for sitt oppdrag til Innovasjon Noreg, i samsvar med basiskostnadsmodellen. Innovasjon Noreg sentralt bereknar vederlaget for administrasjons og gjennomføringskostnader for kvart fylkesoppdrag basert på erfaringstal. Vederlag for særskilde satsingar utover dei ordinære tenesteleveransane, må Innovasjon Noreg avtale med den einskilde fylkeskommunen. Beløpet som skal nyttast til administrasjons- og gjennomføringskostnader er ikkje spesifisert i dette oppdragsbrevet. Fylkeskommunen skal ha kvartalsvise rapporteringar av faktiske kostnader.

### Vedtakskompetanse

Hovudutval for næring har vedtaksmynde i saka jf. reglement for hovudutval for næring punkt 2 og 3.

### Vurderingar og verknader

**Økonomi:**

Løyvinga er finansiert gjennom midlar frå Statsbudsjettet Kap. 553, 61 som er øyremerka tildeling til Innovasjon Norge og SIVA.

**Klima:**

Både Utviklingsplan for Vestland 2020-2024 og utkast til ny regional plan for innovasjon og næring legg stor vekt på berekraft, klima og grøn vekst. Innovasjon Norge skal jobbe i tråd med desse styrande dokumenta.

**Folkehelse:**

Fylkeskommunen sitt oppdrag til Innovasjon Norge har som mål å støtte opp under nyskaping og sysselsetjing. Arbeid og sysselsetjing er viktige føresetnader for folkehelse.

**Utviklingsplan for Vestland 2020-2024 (Regional planstrategi):**

Tiltaket støttar opp om Utviklingsplanen for Vestland og Regional plan for innovasjon og næringsutvikling som er sendt til høyring. Formålet med løyvinga er å støtte Innovasjon Norge sitt arbeid knytt til næringsutvikling og nyskaping i fylket. Innovasjon Norge skal gjennom sitt oppdrag støtte opp om utviklingsplanen og planframlegget for regional plan sin visjon om å vere nyskapande og berekraftig.

**Konklusjon**

Fylkesdirektør for næring rår hovudutval for næring til å vedta oppdragsbrevet til Innovasjon Norge for 2021, med dei rammene og prioriteringane som ligg føre i brevet i vedlegg 1.